

## MME N̄KUKUT EZEKIEL

Ezekiel 1:1-28; 2:1-10; 3:1-27.

OYOHỌ UKPEP-N̄KPỌ 407

Eke Mkparawa

**IKỌ IBUOT:** “Eyen owo, mmonim fi ke owo-ukpeme nnọ ufọk Israel: Kop ndien ikọ emi otode mi ke inua, nyuñ da uyo mi teme mmọ” (Ezekiel 3:17).

### Ntañ-mfep

Abasi ama ọsọñ ukem-ukem se Enye ọkọdọhọde ke ini Enye eketiñde ọnọ Israel ete edieke mmọ editrede ndinin mbet Imọ, Imọ iyenọ mmọ ufen. “Koro mbufo mikopke uyo mi, . . . ofuri obio emi eyenyuñ akabare edi se esobode enyuñ ebiatde: ndien mme idut emi eyenam n̄kpọ edidem Babylon ke ofuri isua ata ye duop” (Jeremiah 25:8-11). Se Oyoḣọ Ukpep-n̄kpọ 375. Ini ama edi emi Abasi akayakde ndiḣi ndidem eda mme owo esaña ediwak itiat ekpọñ obio mmọ ke Jerusalem. Mme ata mkpọsọñ owo, mme anam utom-usọ ye mbon ufọk mbọñ, ekedi se ekebinde esio ke obio mmọ emen eka ke Babylon. Ke ukpep-n̄kpọ ini iso iyekop ibaña Daniel ye nditọ Hebrew ita emi ekedude ke otu mmọ oro eketañde ekpọñ obio mmọ.

Ezekiel, oku ekedi kiet ke otu nti owo emi ekedide ifin ke Babylon. Ke ini enye odude do, Abasi ada enye ndikwọrọ ikọ nnọ mme owo do. Enyiñ oro “Ezekiel” ọwọrọ ete “Abasi andinọ odudu” me “Abasi eyekan.”

### Mme N̄kukut

Ke ọyoḣọ usen ọfiọñ ition ke ọyoḣọ ọfiọñ inañ, nte Ezekiel okodude ke mben akpa Chebar ye mme nditọ obio mmọ, enye ama enyene utibe ifiok: “Enyoñ ama ọkubọre” ndien enye okut “n̄kukut Abasi.”

Nnyin imokot ke N̄wed Abasi ibaña mmọ efen emi ekeikutde mme n̄kukut ye mme ndap emi okotode Abasi. Mfin emi, Abasi iwakke ndinọ Ikọt Esie mme n̄kukut; mme ndap emi eneñerede oto Abasi iwakke aba. Enye oyom nnyin ikot Ikọ Esie inyuñ iyak Spirit Esie ada nnyin usun, n̄ko nnyin imenyene mme ọkwọrọ-ikọ ye mme andikpep ke Usen Ọbọñ ndiwut nnyin usuñ.

N̄kukut emi Ezekiel okokutde ikedighe ikpikpu ekikere koro enye ikedehe idap edi enyene ifiok ke utọ ini oro: “Koro ubọk Jehovah ama onyuñ odoro enye ke idem,” Ke ndo-ndo oro nte enye esede ofum idio oto ke edem edere edi, akamba obubit enyoñ ye ikañ, ye uyama edisem okpoho ọwọrọ ke ikañ oro. Enye okut n̄ko mbiet n̄kpọ inañ emi ebietde owo ye mme ubọk owo, edi mmọ kiet kiet enyene iso inañ. Iso kiet ebiet eke owo, kiet nte eke ekpe, kiet nte iso enañ, ndien iso kiet edi iso ntrukupom. Mbiet n̄kpọ inañ emi kiet-kiet enyene mba inañ; mba mmọ iba-iba, kiet eyi ye kiet, iba enyuñ efuk idem mmọ. Ezekiel ọfiok ete ke mbiet n̄kpọ oro, mme angel eneñede iso esaña: ikabakede ke ini mmọ esañade, mmọ enyene iso emi esede nsio-nsio usuñ.

Mmọ esak nte edisem okpoho, mmọ enyuñ ebiet eboho ikañ eke asakde ye utuenikañ eke asakde. Usọp-usọp nte ikañ mireñ-mireñ, mmọ efiak edem enyuñ eka iso. Ndien Ezekiel okut wheel ye wheel efen ke ufọt akpa wheel. Ke ini emenede mme wheel oro ekpọñ isọñ enyuñ emenerede n̄kpọ-uwem oro n̄ko ke enyoñ: ndien ke ini mmọ etuakde eda, wheel etuak eda n̄ko. Ke ini mme n̄kpọ-uwem emi etuakde eda mmọ eneñede mba mmọ efuk idem mmọ.

### Ubọñ Jehovah

Ke ini mmọ ekefede, ekebiet nte uyom akwa mmọñ, nte uyo Ata Ọkpọsọñ. Ke ini Ezekiel osuk esede, enye okut mmọ etuakde eda, enyuñ esuhọrede mba mmọ ke ido ukpono nte mmọ ekutde ebekpo emi ikañ akanarede okuk ọsuhọrede edi, ayama nte ediye akpara. Ke enyoñ esie owo odoro emi ubọñ Jehovah akanarede enye okut. Ezekiel ọduọ okubi iso esie ke ini enye okopde Uyo nte etiñde ye enye.

Ukem nte John, emi nnyin ikotde ke Eriyarare ọduọ okubi iso esie ke ini enye okokutde n̄kukut ediyarade Ubọñ Christ, kpasuk ntre ke Ezekiel ọkọduọ okubi iso esie. Oro edi ata nnen-nnen usuñ ndisaña mkpere Edisana Abasi. Mbemiso nnyin iduk ke edinam utom nnọ Abasi, nnyin ikut unana ukeme nnyin ndien iduọ ke edọñ ke akam inọ Abasi andikpon nkan iyom uñwam Esie.

Isaiah nko ama okut nkukut oto Abasi ndien okut mme seraphim ye mme cherubim, mme angel ndien Abasi enyōn emi okoñde etie ke ebekpo. Abasi ama ọnọ enye etop nditiñ nno mme owo. Ikpaha owo idem mmọ mbiba Isaiah ye Ezekiel ema efiok nkpo-uwem emi nte mme cherubim mme angel (Ezekiel 10:20). Ufok-Abasi Solomon okoyohọ ye ediye mme edisoj angel (2 Chronicles 3).

### **Etop**

Abasi ọdohọ Ezekiel, “Eyen owo daha da ke ukot fo, ndien nyedohọ ye afo”. Ubak etop emi Abasi okonode enye ekedi “Ami mmōn ndōn fi utom ke ọtọ Nditọ Israel, ke ọtọ mbon idut enyene nsōn-ibuo emi esōñde ibuo ye Ami: mmọ ye mme ete mmọ emenam idiok ye Ami, tutu osim idem mfin emi. Ndien mmọ enyuñ edi nditọ usōn-enyin ye eke itun-esit.” Etop Abasi ye idiok-owo ekedi “Afo udutrede ndikpa.” Ke emi Abasi ọdohọ ete ke utọ ukpōn owo oro enyene ndikpa mkpa nsinsi.

Ekedohọ Ezekiel okworo-ikọ ọnọ mbon ntañ-mfep; mmọ enyene ndifiok ete ke anditiñ ntiñ-nnim ikọ Abasi ama odu ke otu mmọ. Abasi ọdohọ enye okufehe iso mmọ okunyuñ edighe abañ ikọ mmọ, okposuk edi akpap, nkukim ye ikpeyen edude ye enye. Usuk ini ikọ mme idiok-owo oro eyesibe Ezekiel onyuñ ọnọ enye unan nte osop-inua nkukim, mme nte ifot uruk-ikot. Usuk ini mme ikọ eyebiak owo ekan ata “unan.” Ikata ke itie nwed emi Abasi ama ọdohọ Ezekiel etiñ ikọ ima ke mmọ ekopde ye ke etrede ndikop.”

Mfin emi, Abasi oyom nnyin itiñ mbuk emi abañade Jesus inyuñ iduri mme anam-idiok utōn ibañ ubiere-ikpe Abasi. Ntak edi oro ufok-Abasi nnyin ekade ukworo-ikọ ke efak, ye ke ufok-nkpokobi, enyuñ mmiñ mme nwed ikọ Abasi enyuñ enim mme mboho ke esit ufok-Abasi. Edi utom nnyin ndisuan mbuk erinyaña emi okposuk edi nte mme owo edisinde.

“Ekudi mbon nsōn-ibuo nte ufok nsōn-ibuo” Jehovah ọdohọ. Ndien ema enọ Ezekiel ikpānwed adia emi eketiede ukem-ukem nte ndinam esit esie oyohọ ye usop-usop etop. Mmọ inyimeke ndikop uyo fo koro mmọ idinyimeke ndikop uyo Mi.” Abasi ọdohọ ete, koro mmọ esōñde okpo-iso enyuñ etunde esit.

### **Owo-ukpeme**

Ndien Spirit emenere Ezekiel ke enyōn onyuñ emen enye efep. Ekem enye ọtōnọ ntak edisim mbon ntañ-mfep emi eduñde ke mben akpa Chebar onyuñ etie do usen itiaba. Ke oro ebete Abasi ọdohọ ete “Eyen owo mmonim fi ke owo-ukpeme nno ufok Israel: kop ndien ikọ emi otode mi ke inua, nyuñ da uyo mi teme mmọ”. Edieke Ezekiel mikpanamke akpanikọ ndiduri mme owo utōn, mme idiok-owo ekpekpa ke mme idiok-nkpọ mmọ. Abasi ọdohọ ete ke Imọ ikpe kpak iyip mmọ oro ke ubok Ezekiel. Ke nkañ eken edieke Ezekiel, ama okoduri owo utōn ndien enye mikpanke utōn ke nduri-utōn oro, inyuñ ikabakere esit enye ama akpa, Ezekiel eyebohọ.

Abasi ọdohọ nko ete edieke edinen owo akabarede okpōn eti ido esie onyuñ anamde ukwañ-nkpọ ndien afiak edem, onyuñ akpa ke idiok-nkpọ esie, iditihi aba edinen-ido esie emi enye akanamde. Akpa nti utom esie idinwamke enye.

### **Ndikpōn Ima Abasi**

Ukpep-nkpọ emi ekpep nnyin ete ke adaña ini ima ikenyene erinyaña ukpōn, nnyin ikuyak ima Abasi okpōn esit nnyin. Mme nsu-nsu andikpep ekpep ete ke ema ekenyaña nnyin, ke erinyaña nnyin odu ke nsinsi. Edi nnyin itim ikut ofon ke ufañ edip ke ibuo ita ete ke edi mmem-mmem ndifiak edem nnam idiok-nkpọ nnyuñ nsop okposuk edi ekenyañade nnyin. Edi Abasi enyene odudu ekem ndimum nnyin nkama man ikudu. Edi itie nnyin ndikpeme ke ndikot Nwēd Abasi nnyuñ mboñ akam mbemiso itōn utom usen nnyin ekededi.

### **Edinam Ikot Oyohọ-oyohọ**

Ezekiel ekedi anditiñ ntiñ-nnim ikọ Abasi emi akanamde akpanikọ ọnọ Abasi ke isua emi awakde akan edip, onyuñ okokworo, ekpep mmọ ete okposuk edi nte udōn odude mmọ ke esit ndinyōn ke obio mmọ ke Jerusalem, mmọ enyene ndibem iso ntiene Abasi mmọ.

Ekot nnyin nko ndidi mme ekpeme ukpōn man itiñ inọ mme anam-idiok ibañ ubiere-ikpe emi edidide. Ekuyak nnyin itut utōn ke uyo Abasi. “Nte afo ke ekere edieke mufan eke afo osobode ke

usen ke usen mikopke mbuk Jesus? Nte afo eyenyime enye ke itie ubiere-ikpe ọdọhọ ete “Owo iketiñke mbuk Jesus inọ mi”?

### **MME MBUME**

- 1 Tiñ ibio-ibio baña mme Cherubim.
- 2 Tiñ nte ebekpo emi Ezekiel okokutde eketiede.
- 3 Nso ke enye akanam ke ini enye okutde ubọñ Abasi?
- 4 Tiñ owo iba efen emi nnyin ikotde ke Ñwed-Abasi emi ekenyuñ ekutde ñkukut Abasi.
- 5 Nso edi ntak emi Abasi ọkọdọñde Ezekiel ọnọ Nditọ Israel?
- 6 Nte mme owo ema ebọ etop Ezekiel? Mmọ ekebọ akpa etop didie?
- 7 Nso enyiñ ke Abasi ọkọnọ Ezekiel?
- 8 Nso ikpokotibe inọ enye edieke enye ekpetrede ndinọ ntọt?
- 9 Nso ikenyene nditibe edieke enye ọkọnọde ntọt edi mmọ ikopke ntọt oro?
- 10 Siak enyiñ inañ emi Abasi ekesimade ndida ntiñ mbaña nte Nditọ Israel etiede. Nte ukereke ete ke mme owo ke enanam ntre mfin emi?